

III. OUTRAS DISPOSICIÓNS

ESCOLA GALEGA DE ADMINISTRACIÓN PÚBLICA

RESOLUCIÓN do 15 de febreiro de 2012 pola que se convoca a Xornada sobre as instrucións de desenvolvemento da Lei 9/2002, do 30 de decembro, de ordenación urbanística e do medio rural de Galicia, na redacción dada pola Lei 2/2010, do 25 de marzo.

Dentro do plan de actividades da Escola Galega de Administración Pública para o ano 2012 e de acordo coas funcións atribuídas pola Lei 4/1987, do 27 de maio, de creación da Escola, e pola Lei 10/1989, do 10 de xullo, de modificación da anterior, convócase, en colaboración co Colexio de Arquitectos de Galicia e a Dirección Xeral de Administración Local, a Xornada sobre as instrucións de desenvolvemento da Lei 9/2002, do 30 de decembro, de ordenación urbanística e do medio rural de Galicia, na redacción dada pola Lei 2/2010, do 25 de marzo, conforme as seguintes bases:

1. Obxectivos.

Difundir as catro instrucións de desenvolvemento da LOUG, os requisitos, o seu procedemento para facelas efectivas, e os efectos.

2. Contidos.

Serán tratados, entre outros, os seguintes temas:

– Instrución 1/2011, do 12 de abril, para a aplicación da Lei 2/2010, do 25 de marzo, de medidas urxentes de modificación da Lei 9/2002, do 30 de decembro, de ordenación urbanística e protección do medio rural de Galicia.

– Instrución 2/2011, do 12 de abril, para a aplicación da disposición transitoria terceira da Lei 2/2010, do 25 de marzo, de medidas urxentes de modificación da Lei 9/2001, do 30 de decembro, de ordenación urbanística e protección do medio rural de Galicia, sobre edificacións sen licenza.

– Instrución 3/2011, do 12 de abril, para a aplicación da disposición transitoria décimo terceira da Lei 9/2002, do 30 de decembro, de ordenación urbanística e protección do medio rural de Galicia, na redacción dada pola Lei 2/2010, do 25 de marzo.

– Instrución 4/2011, do 12 de abril, sobre a metodoloxía de cálculo do grao de consolidación edificatoria na delimitación do solo de núcleo rural, ao abeiro do disposto na

Lei 2/2010, do 25 de marzo, de medidas urxentes de modificación da Lei 9/2002, do 30 de decembro, de ordenación urbanística e protección do medio rural de Galicia.

3. Destinatarios.

Arquitectos, técnicos das diferentes administracións públicas vinculados co urbanismo e interesados en xeral.

4. Desenvolvemento.

Esta xornada desenvolverase na Escola Galega de Administración Pública (EGAP) o día 2 de marzo de 2012.

Duración: 6 horas lectivas, en horario de mañá e tarde.

5. Número de prazas.

Limitado pola capacidade do local.

6. Solicitudes.

Inscripción e pagamento de dereitos no COAG.

7. Prazo.

O prazo de presentación de solicitudes finalizará o mércores 29 de febreiro de 2012.

8. Modificacións.

A EGAP reserva para si a facultade de interpretar e de resolver as incidencias que poidan xurdir no desenvolvemento desta xornada, así como a facultade de cancelala se o escaso número de solicitudes non xustifica a súa realización.

9. Certificado de asistencia.

Entregarase un certificado de asistencia, ao final da xornada, a aquelas persoas inscritas que participen asiduamente, e sempre que a súa asistencia sexa igual ou superior ao 85% das horas lectivas programadas. Neste documento aparecerán de forma expresa o contido, a data e o lugar de realización desta xornada.

Santiago de Compostela, 17 de febreiro de 2012.

Pablo Figueroa Dorrego
Director da Escola Galega de Administración Pública